

Nr. 16: *Ez sluoc ein wîp ir man ze tôde*

Überlieferung: Heidelberg, Cpg 848 (C), Bl. 269^v

- Ez sluoc ein wîp ir man ze tôde und al ir kint geswinde
sluoc si ze tôde, seht, daz was dem man unmâzen zorn.
Ze tôde sluoc er si her wider und allez ir gesinde
sluoc er ze tôde, doch wurden sider kint von in geborn.
- 5 Got hiez werden einen man, der nie geborn wart von frouwen lîbe.
die vater noch diu muoter nie gwan, die nam er im ze wîbe.
dar nach ein hunt erbal,
daz alle liute, die dô lebten, hôrten sînen schal.
diu erde ist hôher danne der himel, daz hânt die wîsen meister wol bevunden
- 10 hie vor bî manigen stunden.
ein kint, daz sluoc den vater sîn, dô ez in der muoter was,
dô er den andern kinden sanc von gote und in die rehten wârheit las.